

BOSNA I HERCEGOVINA
FEDERACIJA BOSNE I HERCEGOVINE
VLADA

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

Босна и Херцеговина
Федерација Босне и Херцеговине
**ПАРЛАМЕНТ ФЕДЕРАЦИЈЕ
SARAJEVO**

Broj: 03-02-105/2025
Sarajevo, 31.01.2025. godine

Primljeno: 31-01-2025			
Org. jed.	Broj	Priloga	Vrijednost
02	- 11 -	291	25

VRLO HITNO

PARLAMENT FEDERACIJE BOSNE I HERCEGOVINE
- Dom naroda -
Gosp. Tomislav Martinović, predsjedavajući

PREDMET: Izjašnjenje Vlade Federacije Bosne i Hercegovine o amandmanima na Prijedlog budžeta Federacije Bosne i Hercegovine za 2025. godinu - hitni postupak

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH”, br. 27/03, 21/09, 24/20 i 60/24), u prilogu Vam dostavljam **Izjašnjenje o amandmanima na Prijedlog budžeta Federacije Bosne i Hercegovine za 2025. godinu - hitni postupak**, koje su u Domu naroda Parlamenta Federacije BiH podnijeli delegati: **Fatima Gavrankapetanović-Smailbegović (1 amandman), Almir Dorić, Sandra Imširović i Žarko Vujović (3 amandmana), Fahrudin Čolaković (1 amandman) i grupa delegata u Domu naroda Parlamenta Federacije BiH (1 amandman)**, a koje je Vlada Federacije Bosne i Hercegovine utvrdila na 169. hitnoj sjednici, održanoj 31.01.2025. godine

S poštovanjem,


PREMIER
Nermin Nikšić

Prilog: kao u tekstu

Co: Federalno ministarstvo finansija-Federalno ministarstvo financija
gosp. Toni Kraljević, ministar

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH”, br. 6/10, 37/10, 62/10, 39/20 i 67/21), a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH”, br. 27/03, 21/09, 24/20 i 60/24), nakon razmatranja amandmana na Prijedlog budžeta Federacije Bosne i Hercegovine za 2025. godinu - hitni postupak, koje su u Domu naroda Parlamenta Federacije BiH podnijeli delegati: Fatima Gavrankapetanović - Smailbegović (1 amandman), Almir Dorić, Sandra Imširović i Žarko Vujović (3 amandmana), Fahrudin Čolaković (1 amandman) i grupa delegata u Domu naroda Parlamenta Federacije BiH (1 amandman), Vlada Federacije Bosne i Hercegovine je, na 169. hitnoj sjednici, održanoj 31.01.2025. godine, utvrdila

IZJAŠNENJE

o Amandmanu na Prijedlog budžeta Federacije Bosne i Hercegovine za 2025. godinu, koji je podnijela Fatima Gavrankapetanović-Smailbegović, delegatkinja u Domu naroda Parlamenta Federacije Bosne i Hercegovine

AMANDMAN I

Iz Razdjela, 16 Glava 1601 - Federalno ministarstvo finansija, Ekonomski kod 6141 - Tekući transferi drugim nivoima vlasti i fondovima - KANTONI,

iznos od 200.000.000 KM umanjuje se za 130.000.000 KM i isti iznos prebacuje se u

Razdjel 20, Glava 2001 - Federalno ministarstvo zdravstva, Ekonomski kod 6141 - Tekući transferi drugim nivoima vlasti i fondovima - Zavod za zdravstveno osiguranje i reosiguranje FBiH.

IZJAŠNENJE

Amandman I se ne prihvata

OBRAZLOŽENJE

U Prijedlogu Budžeta Federacije BiH za 2025. godinu, na razdjelu 16, glava 1601- Federalno ministarstvo finansija, ekonomski kod 6141 – „Tekući transferi drugim nivoima vlasti i fondovima - KANTONI”, sredstva u iznosu od 200.000.000,00 KM namijenjena su za pomoć budžetima kantona, u svrhu jačanja kapaciteta kantona. Ovo ulaganje omogućava efikasniju implementaciju reformi, unaprijeđenje javnih usluga i povećanje fiskalne stabilnosti kantonalnih budžeta.

Dodatno, Vlada Federacije Bosne i Hercegovine, na 46. sjednici, održanoj 20.01.2025. godine, donijela je Zaključak V.broj 13/2025 kojim se obavezuju kantoni da 10% dodijeljenih sredstava iskoriste za unaprijeđenje zdravstvenih usluga po kantonima.

Stoga je važno ne umanjivati sredstva namijenjena kantonalnim budžetima jer ona imaju ključnu ulogu u jačanju kapaciteta kantona, omogućavajući efikasniju implementaciju reformi, unaprijeđenje javnih usluga i povećanje fiskalne stabilnosti. Osim toga, dio sredstava u iznosu od 10% obavezno je namijenjen unaprijeđenju zdravstvenih usluga, što direktno utiče na kvalitetu života građana. Smanjenje ovih sredstava moglo bi ugroziti razvojne projekte, opteretiti kantonalne budžete i negativno uticati na pružanje ključnih usluga stanovništvu.

IZJAŠNJENJE

o amandmanima na Prijedlog budžeta Federacije Bosne i Hercegovine za 2025. godinu, koje su podnijeli Almir Dorić, Sandra Imširović i Žarko Vujović delegati u Domu naroda Parlamenta Federacije BiH

AMANDMAN I

U Prijedlogu Budžeta Federacije Bosne i Hercegovine za 2025. godinu, iz Razdjela 16, Glava 1601 - Federalno ministarstvo finansija, Ekonomski kod 6141 - Tekući transferi drugim nivoima vlasti i fondovima - KANTONI, iznos od 200.000.000 KM umanjuje se za 190.000.000 KM i isti iznos prebacuje se na Razdjelu 18. glava 1801 - Federalno ministarstvo prometa i komunikacija, Ekonomski kod 6154 - Transfer za izgradnju autocesta, brzih cesta, magistralnih i drugih cesta, za sljedeće namjene:

- Sveobuhvatna rekonstrukcija i modernizacija magistralnih cesta na području Tuzlanskog kantona, sa posebnim akcentom na magistralnu cestu M-4 Tuzla-Doboj i M1-18 Tuzla- Sarajevo 20.000.000 KM
- Izgradnja I (prve) poddionice (Šiški Brod - Ljubače) sa tunelom / nove dionice magistralne ceste M-18, Šiški Brod - Đurđevik 100.000.000 KM
- Izgradnja nastavka južne magistralne (magistralna cesta M-4 Tuzla-Zvornik) - dionica Ši Selo - Simin Han 50.000.000 KM
- Izrada idejnog i glavnog projekta za brzu cestu/autocestu Doboj-Tuzla-Zvornik 20.000.000 KM

AMANDMAN II

U Prijedlogu Budžeta Federacije Bosne i Hercegovine za 2025. godinu, iz Razdjela 16, Glava 1601 - Federalno ministarstvo finansija, Ekonomski kod 6141 - Tekući transferi drugim nivoima vlasti i fondovima - KANTONI, iznos od 200.000.000 KM umanjuje se za 1.500.000 KM i isti iznos prebacuje se kao pomoć Fudbalskom klubu „Sloboda“, Tuzla.

AMANDMAN III

U Prijedlogu Budžeta Federacije Bosne i Hercegovine za 2025. godinu, iz Razdjela 16, Glava 1601 - Federalno ministarstvo finansija, Ekonomski kod 6141 - Tekući transferi drugim nivoima vlasti i fondovima - KANTONI, iznos od 200.000.000 KM umanjuje se za 10.000.000 KM i isti iznos prebacuje se poziciju ekonomski kod 6151 (Kapitalni transferi drugim nivoima

vlasti i fondovima – Za izgradnju Olimpijskog bazena u Tuzli u okviru Studentskog kampusa u Tuzli) za iznos od 10.000.000,00 KM.

IZJAŠNENJE

Amandmani I, II i III se ne prihvataju

OBRAZLOŽENJE

U Prijedlogu Budžeta Federacije BiH za 2025. godinu, na razdjelu 16, glava 1601- Federalno ministarstvo finansija, ekonomski kod 6141 – „Tekući transferi drugim nivoima vlasti i fondovima - KANTONI“, sredstva u iznosu od 200.000.000,00 KM namijenjena su za pomoć budžetima kantona, u svrhu jačanja kapaciteta kantona. Ovo ulaganje omogućava efikasniju implementaciju reformi, unaprijeđenje javnih usluga i povećanje fiskalne stabilnosti kantonalnih budžeta.

Dodatno, Vlada Federacije Bosne i Hercegovine, na 46. sjednici, održanoj 20.01.2025. godine, donijela je Zaključak V.broj 13/2025 kojim se obavezuju kantoni da 10% dodijeljenih sredstava iskoriste za unaprijeđenje zdravstvenih usluga po kantonima.

Stoga je važno ne umanjivati sredstva namijenjena kantonalnim budžetima jer ona imaju ključnu ulogu u jačanju kapaciteta kantona, omogućavajući efikasniju implementaciju reformi, unaprijeđenje javnih usluga i povećanje fiskalne stabilnosti. Osim toga, dio sredstava u iznosu od 10% obavezno je namijenjen unaprijeđenju zdravstvenih usluga, što direktno utiče na kvalitetu života građana. Smanjenje ovih sredstava moglo bi ugroziti razvojne projekte, opteretiti kantonalne budžete i negativno uticati na pružanje ključnih usluga stanovništvu.

IZJAŠNENJE

o Amandmanu na Prijedlog budžeta Federacije Bosne i Hercegovine za 2025. godinu, koji je podnio Fahrudin Čolaković, delegat u Domu naroda Parlamenta Federacije BiH

AMANDMAN I

U Prijedlogu Budžeta Federacije BiH za 2025. godinu vrše se sljedeća umanjivanja:

- na razdjelu 16, glava 1601- Federalno ministarstvo finansija- Ekonomski kod 6141 - Kapitalni trasferi drugim nivoima vlasti i fondovima- KANTONI I OPĆINE – umanjuje se za 80.000.000,00 KM i sada iznosi 120.000.000,00 KM
- na razdjelu 16, glava 1601- Federalno ministarstvo finansija-Ekonomski kod 6151 - Kapitalni trasferi drugim nivoima vlasti i fondovima- KANTONI I OPĆINE – umanjuje se za 20.000.000,00 KM i sada iznosi 30.000.000,00 KM

U Prijedlogu Budžeta Feeracije BiH za 2025. godinu vrše se sljedeće uvećanje:

- na razdjelu 32, glava 3201 - Federalno ministarstvo za pitanja boraca i invalida odbrambeno - oslobodilačkog rata - Ekonomski kod 6142 - Tekući transfer pojedincima

- Transfer za implementaciju Zakona o pravima demobiliziranih branilaca i članova njihovih porodica mijenja se i glasi: „Transfer za implementaciju Zakona o pravima demobiliziranih branilaca i članova njihovih porodica (Borački dodatak)“ i uvećava se za 100.000.000,00 KM i sada iznosi 169.600,000 KM.

IZJAŠNENJE

Amandman I se ne prihvata

OBRAZLOŽENJE

Predloženim amandmanom slovna oznaka za ekonomski kod 6141 - Tekući transferi drugim nivoima vlasti i fondovima - KANTONI I OPĆINE ne odgovara nazivu u Prijedlogu Budžeta Federacije BiH za 2025. godinu, na razdjelu 16, glava 1601 – Federalno ministarstvo finansija na kojem je planiran iznos od 200.000.000,00 KM.

Bez obzira na navedeno, cijenimo važnim ukazati i na sljedeće:

U Prijedlogu Budžeta Federacije BiH za 2025. godinu, na razdjelu 16, glava 1601- Federalno ministarstvo finansija, ekonomski kod 6141 – „Tekući transferi drugim nivoima vlasti i fondovima - KANTONI“, sredstva u iznosu od 200.000.000,00 KM namijenjena su za pomoć budžetima kantona, u svrhu jačanja kapaciteta kantona. Ovo ulaganje omogućava efikasniju implementaciju reformi, unaprijeđenje javnih usluga i povećanje fiskalne stabilnosti kantonalnih budžeta.

Dodatno, Vlada Federacije Bosne i Hercegovine, na 46. sjednici, održanoj 20.01.2025. godine, donijela je Zaključak V.broj 13/2025 kojim se obavezuju kantoni da 10% dodijeljenih sredstava iskoriste za unaprijeđenje zdravstvenih usluga po kantonima.

Stoga je važno ne umanjivati sredstva namijenjena kantonalnim budžetima jer ona imaju ključnu ulogu u jačanju kapaciteta kantona, omogućavajući efikasniju implementaciju reformi, unaprijeđenje javnih usluga i povećanje fiskalne stabilnosti. Osim toga, dio sredstava u iznosu od 10% obavezno je namijenjen unaprijeđenju zdravstvenih usluga, što direktno utiče na kvalitetu života građana. Smanjenje ovih sredstava moglo bi ugroziti razvojne projekte, opteretiti kantonalne budžete i negativno uticati na pružanje ključnih usluga stanovništvu.

IZJAŠNENJE

o Amandmanu na Prijedlog budžeta Federacije Bosne i Hercegovine za 2025. godinu, koji je podnijela grupa delegata u Domu naroda Parlamenta Federacije BiH

U Prijedlogu Budžeta Federacije BiH za 2025. godinu vrši se sljedeće umanjenje: Na razdjelu 16, glava 1601- Federalno ministarstvo finansija-Ekonomski kod 6156- Kapitalni trasferi finansijskim institucijama - Povećanje kapitala u Razvojnoj banci - umanjuje se za 10.000.000,00 KM i umjesto 20.000.000,00 KM sad iznosi 10.000.000,00 KM.

U Prijedlogu Budžeta Federacije BiH za 2025.godinu vrši se sljedeće uvećanje: na razdjelu 14 Federalno ministarstvo unutrašnjih poslova, glava 1403 Federalna uprava policije,

ekonomski kod 8213 'Nabavka opreme' se uvećava za 10.000.000,00 KM i ukupno iznosi 14.711.505,00 KM.

IZJAŠNENJE

Amandman I se ne prihvata

OBRAZLOŽENJE

U Prijedlogu Budžeta Federacije BiH za 2025. godinu, na razdjelu 16, glava 1601- Federalno ministarstvo finansija, ekonomski kod 6156 - Kapitalni transferi finansijskim institucijama – Povećanje kapitala u Razvojnoj banci, sredstva u iznosu od 20.000.000,00 KM planirani su za povećanje kapitala Razvojne banke Federacije BiH. Povećanje kapitala Razvojne banke Federacije BiH osigurava dodatne resurse za finansiranje strateških projekata od značaja za ekonomsku stabilnost i rast Federacije BiH. Predmetno ulaganje jača kapacitete banke da podrži razvojne projekte u ključnim sektorima, poput infrastrukture, energetike, poljoprivrede i industrije. Povećani kapital omogućava Razvojnoj banci da igra proaktivniju ulogu u poticanju investicija, generiranju novih radnih mjesta i unapređenju regionalne ekonomije. Ovaj strateški potez dodatno doprinosi jačanju institucionalnog okvira za razvoj i kreiranju povoljnijih uslova za dugoročni ekonomski prosperitet.

Nadalje, u postupku izrade Prijedloga Budžeta Federacije BiH za 2025. godinu, zaprimljen je finansijski zahtjev budžetskog korisnika 1403 Federalna uprava policije, izvršene tehničke provjere istog i izvršena je analiza i razmatranje svih relevantnih informacija dostavljenih od strane budžetskog korisnika. Na osnovu procjene i ukazane potrebe sa predstavnicima budžetskog korisnika je održan konsultativni sastanak na kojem su razmotrena sva pitanja vezana za projekciju rashoda budžetskog korisnika, te su finansijska sredstva odobrena po zahtjevu resornog ministarstva.

V.broj: 47 /2025

31.01.2025.godine

Sarajevo

